

დადგენილება №სფ-0309-24
ადმინისტრაციული სამართალდარღვევის საქმის
წარმოების შეწყვეტის შესახებ

ქ. ხაშური

22 თებერვალი, 2024 წ.

1. დადგენილების გამომტანი ორგანო (თანამდებობის პირი):

ადმინისტრაციული სამართალდარღვევის საქმის განმხილველი კომისიის თავმჯდომარე - მარიამ ფარეიშვილი

2. საქმის განხილვის თარიღი: 2024 წლის 22 თებერვალი

3. ცნობები პირის შესახებ, რომლის მიმართ განიხილება საქმე:

თეონა ლომაური; პირადი №50001002936;

აბონენტის №3610381601;

მცხოვრები: ქ. გორი, რუსთაველის, შენ. 88, ბინა 7

4. საქმის განხილვისას დადგინდა შემდეგი გარემოებები:

2023 წლის 26 ივნისს, ქ. გორი, რუსთაველის, შენ. 88, ბინა 7-ში რეგისტრირებული №3610381601 აბონენტის თეონა ლომაურის აღრიცხვის კვანძის შემოწმებისას დაფიქსირდა, აბონენტის მიერ ელ. ენერჯის მიწოდების თვითნებურად აღდგენის ფაქტი. აღნიშნულის თაობაზე 03.07.2023 წელს გორის მ/ც-ის უბნის მენეჯერის გიორგი გოგლიძის მიერ შედგა აღრიცხვის კვანძის შემოწმება-მიღების აქტი №A1149845 და იმავე დღეს ადმინისტრაციული სამართალდარღვევის ოქმი ას №010236. კომისიამ გამოიკვლია წარმოდგენილი დოკუმენტაცია. როგორც გამოირკვა, №3610381601 აბონენტის თეონა ლომაურის სახელზე რეგისტრირებული მრიცხველი დავალიანების გამო გათიშული იყო ქსელიდან, ხოლო აღრიცხვის კვანძის შემოწმების მომენტში დაფიქსირდა ელ.ენერჯის მიწოდების თვითნებურად აღდგენისა და ელ.ენერჯის მოხმარების ფაქტი, რაც დადასტურდა მრიცხველის მომატებული ჩვენებით. აღნიშნული ქმედება სემეკის 28.06.21 №19 დადგენილებით დამტკიცებული “ელექტროენერჯის გამანაწილებელი ქსელის წესების“ 33-ე მუხლის შესაბამისად, ითვლება ადმინისტრაციულ სამართალდარღვევად. თეონა ლომაურს ადგილზე გადაეცა ადმინისტრაციული სამართალდარღვევის ოქმი, რაც დასტურდება ოქმზე მისი ხელმოწერით. მან ოქმში, ახსნა-განმარტების გრაფაში, აღიარა სამართალდარღვევის ჩადენის ფაქტი.

თეონა ლომაურის მიერ ელ.ენერჯის უკანონო მოხმარება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2024 წლის 13 თებერვალს ელექტრონულად გამოგზავნილი ინფორმაციით. საქმეში, ასევე, წარმოდგენილია 03.07.2023 წლის №A1149845 აღრიცხვის კვანძის შემოწმება-მიღების აქტი, რომლითაც დასტურდება თეონა ლომაურის მიერ აღრიცხვის წესების დარღვევით ელ.ენერჯის მოხმარების ფაქტი. ამასთან, ფაქტია, რომ აღრიცხვის წესების დარღვევით ელ.ენერჯის მოხმარება მხოლოდ ელ.ენერჯის მოხმარებლის ინტერესში შედის. საქმეში

სს „ენერგო-პრო ჯორჯია“

დევს დადასტურება, რომ თეონა ლომაურს ეცნობა საქმის განხილვის დროისა და ადგილის თაობაზე, რასაც ადასტურებს ხელმოწერით. გამოუცხადებლობის საპატიო მიზეზებისა თუ გადადების თაობაზე მას არანაირი განცხადებით კომისიისთვის არ მოუმართავს. ამდენად, კომისია მისი დასწრების გარეშე უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. ამდენად, საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება თეონა ლომაურის (პირადი №50001002936) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერგის მოხმარება აღრიცხვის წესების დარღვევით. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. თუმცა, დარღვეულია ადმინისტრაციულ სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა, რის გამოც სახეზეა საქმის წარმოების შეწყვეტის საფუძველი. შესაბამისად, აღნიშნულის გამო, მიუხედავად იმისა, რომ დადასტურებულია სამართალდარღვევის ჩადენის ფაქტი, ადმინისტრაციული სამართალდარღვევის საქმის წარმოება უნდა შეწყდეს.

5. ზემოაღნიშნულის საფუძველზე, ვიხელმძღვანელებ რა საქართველოს ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით; მე-10; 38-ე; 236-ე; 240-ე; 228²-ე, 267-ე; 271-ე; 273-ე მუხლებით; სემეკის 28.06.21 წლის №19 დადგენილებით; ს/ს „ენერგო-პრო ჯორჯიას“ დირექტორთა საბჭოს თავმჯდომარის 29.06.2022 წლის № EPG RU2022007 წესითა და 25.12.2023 წლის №EPG OR 2023054 ბრძანებით

და ვ ა დ გ ი ნ ე:

6. თეონა ლომაურის (პირადი №50001002936) მიმართ დაწყებული ადმინისტრაციული სამართალდარღვევის საქმის წარმოება შეწყდეს საქართველოს ადმინისტრაციული სამართალდარღვევათა კოდექსის 232-ე მუხლის „ზ“ ქვეპუნქტის საფუძველზე, ადმინისტრაციული სამართალდარღვევის საქმის განხილვის ვადის გასვლის გამო.

7. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი: -----

8. დადგენილება შეიძლება გასაჩივრდეს მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: ქ. თბილისი, მიცკევიჩის ქ. №19).

უფლებამოსილი პირის ხელმოწერა:

მარიამ ფარეიშვილი

კომისიის თავმჯდომარე

